



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Dvx Spiritvalis**

**Puente, Luis de la**

**Coloniae Agrippinae, Anno M.DC.Xiii.**

Cap. XVII. Quod Meditationi Mysteriorum Seruatoris nostri adiungenda sit mortificatio, & imitatio: in quibus tribus actibus consistit manducatio spiritualis, quæ dispositio est ad Sacramentalem.

[urn:nbn:de:hbz:466:1-48784](https://nbn-resolving.org/urn:nbn:de:hbz:466:1-48784)

## CAPVT XVII.

**Q**UOD MEDITATIONI  
 mysteriorum Seruatoris nostri adiun-  
 genda sit mortificatio, & imitatio: in  
 quibus tribus actibus consistit man-  
 ducatio spiritualis, quæ dispositio  
 est ad Sacramen-  
 talem.



**S**UPEREST nunc, ut disposi-  
 tionem explicemus, quæ coe-  
 lestis hic cibus sit sumendus  
 quo vnionem illam conse-  
 quamur, ad quam dirigitur:  
 simul verò explicabimus ea,  
 quæ Meditationi mysterio-  
 rum Seruatoris nostri sint addenda.

PRO cuius rei intelligentia præmittendū  
 est, quod Christus D. N. in solemni illo ser-  
 mone, quo diuinum hoc Sacramentum pro-  
 misit, tres manducationes mysticè valdè con-  
 iunxit. *Primam CORPORALEM* panis,  
 quæ nutrit Spiritū: de qua dixit: *a ego sum pa-  
 nis vita, qui venit ad me non esuriet, & qui  
 credit in me, non sitiet vnquam.* *Secundam,*  
*SACRAMENTALEM* ipsius manducatione,  
 licet panis vini quæ accidentibus tecti, de qua  
 dixit: *qui manducat meam carnem, & bibit  
 meum sanguinem habet vitam aeternam: in*  
 quo

DUX SPIRITUS  
 P. DE PONTE

quo nobis insinuauit: primam manducationem esse medium ad declarandam secundam: & hanc esse dispositionem ad fruendum vtiliter tertia. Quemadmodum enim corporalis manducatio tres præcipuos actus habet, conterere scilicet & comminuere cibum inter dentes, & eundem naturali calore conuètere in sanguinem: ac demum in substantiam ipsius comedētis perfectā similitudine transformare: ita spiritualis manducatio tres alios actus complectitur, MEDITATIONEM scilicet, MORTIFICATIONEM, & IMITATIONEM perfectam: quæ refert Spiritus sanctus per Salomonem dicens: *b quando sederis, ut comedas cum principe, diligenter attende. quæ apposta sunt ante faciem tuam, & statue cultrum in gutture tuo: si tamen habes in potestate animam tuam, ne desideres de cibus eius, in quo est panis mendacij.* quæ verba intelligunt de cœlesti hoc conuiuio insignes duo Ecclesiæ Doctores, sanctus videlicet Ambrosius & Augustinus, sequentes translationem septuaginta interpretum, quæ sic habet: *si sederis cenare ad mensam potentis, considera intellige quæ apponuntur tibi: & sic mitte manum tuam: sciens, quod te tale oportet præparare.* Quis est princeps hic potens, qui ad inam nos mensam inuitat, nisi IESVS Christus Dominus noster princeps pacis & *c potens in opere & sermone?* & quæ est ipsius mensa; nisi diuina scriptura, sacrum quæ Euan-gelium: vbi eius mysteria sunt notata? &

mensa

b Prou. 23. 1

Lib. 1. offic.

c. 13. Tract.

47. &amp; 84. in

Ioan.

Vide Ianfen

in Prou. 23.

c Act. 24. 15

DUX SPIRITUS  
P. DE PONTE

mensa sanctissimi Sacramenti, in qua summam eorum exposuit? Ad eam te mensam inuitat, quando desideria inspirat legendi & orandi, aut affectum communicandi; ad quod cum accedis, persuadeas tibi, te non venire, vt solus comedas, sed vt *comedas cum Principe* isto potente: qui tanquam testis assistet eorum, quæ facis, & tanquam adidem adiutor, cum quo loquendum tibi, sermonesque miscendi sunt, dum comedis. vult autem, te *sedere*, & non stare, vt intelligas hanc spiritualement manducationem non cliffim aut obiter, sed ex instituto & cum mora sumendam.

§. I.

*De Consideratione.*

*Diligenter attende. Considerans intellige.*

*Serm. i. de Natiuit & S. Andree. S. Martino & alibi.*

**P**RIMVS actus spiritualis huius manducationis est Consideratio & Meditatio eorum, *qua tibi apponuntur*: quæ attenda esse debet, absque distractionibus; ac diligens, sine torpore; & profunda, donec assequaris ac penetres omnia, quæ sunt coram te: & nominatim quæ *apponuntur tibi*. Nam in cœlesti hac mensa (vt optimè perpendit sanctus Bernardus) idem euenit: quod in conuiujs principum, in quibus duo sunt generarum. Nam quædam cedunt in vtilitatem ac delectationem conuiuarum, quales sunt cibi delicati, vinaque pretiosa: alia solum ad manifestandum inuitantis principis magnitudinem, qua-

lia

ha sunt aurea & argentea vasa, in quibus cibis & potus apponuntur.

Et quemadmodum rudis & inurbanus iudicaretur, qui de cibis apposis ad comedendum, gustare nollet; ita haberetur fur & impudens, qui sibi acciperet aurea vasa, in quibus tibi essent positi. ita enim Ioseph fratres suos, ingratitude arguit, cum finxit illos *a furatos esse scyphum argenteum, in quo & ipse bibebat*, & illis haustum dederat. In hunc ergo modum, in mensa sacri Euangelij, & huius diuini Sacramenti duo proponuntur, virtutes scilicet & prodigia: & vtraque sunt profundè consideranda; aduertendo virtutes proponi tanquam cibos, vt eas comedas tibi que concorpores, faciasque tuas proprias per imitationem. At prodigia & opera stupèda, solum sunt tanquam vasa pretiosissima, ad manifestandam Dei magnitudinem & maiestatem, ad recreandum spiritualem animi aspectum; & vt maiori tua delectatione & suauitate ad virtutes afficiaris, quæ tot rebus stupendis inferuntur, tibi que proponuntur. Qui itaque auderet, velle imitari miracula, superbus iudicaretur, ac temerarius: Christus. n. Seruator noster dixit: *b Discite à me, non mortuos suscitare, aut visum cæcis tribuere, sed mites esse ac humiles: quia ego mitis sum & humilis corde.* Et quoniã non omnia opera virtutù & præcipuè externa omnibus conueniunt, attentius tibi consideranda sunt, *qua apponuntur tibi*: sed quod illa sint tuæ necessitati, desiderio,

*a Gen. 44. 5.*

*b Mat. 23. 29.*

pro-

proprioque tuæ vocationis fini, magis acco-  
modata, quæ propterea diutius tibi sunt ru-  
minanda, vt magis tibi profint. Cibus enim  
etiam valdè pretiosus, si deglutitur integer  
nec ad eò benè sapit, nec ad eò prodest; atque  
comminueretur, & cum mora traiceretur.  
Quamobrem, cùm Deus D. N. guttar spòla  
laudaret, ait de illo, quid esset cicut vinum  
primum, dignum dilecto meo, eo videlicet, qui  
me diligitur, ad potandum, labijsq; ac denti-  
billus ad ruminandum. hac sententia significas,  
officium munusque iusti contemplantis, esse  
meditari, lenteque ruminare mysteria ac vir-  
tutes dilecti sui IESV. omnia enim sunt instar  
vini, dignissimi quod eius amici bibant, non  
festinanter haurient es, sed lentè valdè degu-  
stantes, seque oblectantes, quasi relingentes,  
cogitando de eisdem. ne autem existimes, ex-  
ercitium hoc solum ad feruentes pertinere,  
ha ait eiusdem loci versio, quod illud vinum  
fit commouens labia senum. quo significat, què  
admodum senes, eo quod sint complexionis  
debilioris, frigidi, ac melancholi, vehementer  
delectantur vino, quod illos confortet, cale-  
faciat, & exhilaret: ita qui aduertunt, se in spi-  
ritu ita consensuisse, vt debiles, frigidi ac tri-  
stes sint redditi, maiori cura studere debent.  
lentius degustare cœleste hoc vinum, quò vi-  
res illis adferat, contra imbecillitatem, fer-  
uorem, contra tepiditatem; & hilaritatem  
contra tristitiam. amplectere igitur consilium  
Spiritus S. cùm ad cœlestem eius mensam ap-  
des.

c. Cant. 7. 9.

DUX SPIRITUS  
P. DE PONTE

§. i. DE CONSIDER. ET MEDIT. 777

des, ac diligenter attende quæ tibi apponuntur: distinguendo virtutes à miraculis; & in his lauda, & admirans glorificam omnipotentiam, ea patrantis; & introspice virtutes in eis contentas, tibi quæ manifestas: ex quibus & ex alijs faciens quasi mixturam, & massam quandam extolle bonitatem, splendens in Domino, in quo illæ sunt: attende autem, & perpende nominatim quæ apponuntur TIBI, ut eas tibi ipsi concorpores.

§. 2.

*De Mortificatione.*

EODEM spectat secundus actus spiritualis huius manducationis, MORTIFICATIONIS scilicet, cuius causa adiecit Spiritus S. postquam attenderis, quæ apponuntur tibi: *statue cultrum in gutture tuo.* quis enim hic culter est, nisi *mortificatio* & discretio qui guttur debet transfigere, quod est gustatus & sermonis instrumentum, eò quod meditatio debeat secum penetrantem ad eò ferventemque; mortificationem, sed discretam tamen adhibere, ut vitam omnem carnalem, & eius inordinatas appetitiones, rerumque sensualium delectationes, inania verba; & reliqua omnia, quæ rebellis carnis sunt fomenta, trucidet, ac mactet. absque hac enim mortificatione, virtutes non poterunt ad animam penetrare; neque earum imitatio poterit exerceri. Et quemadmodum cibus, postquam est in ore comminutus, non prius potest ad omnes

corporis partes peruenire, quam sit bene coctus, dissolutus, & conuersus in sanguinē, ita etiam postquam intellectus meditatus est horum mysteriorū veritates, mittit has ad voluntatem, vt eas concoquat, deuotionis & affectuum calore: qui affectus conuertendi sunt in sanguinem mortificationis, sinque ipsius abnegationis, sine qua non potest perfecta, cum ipso Deo Seruatore nostro similitudo obtineri. Ideo enim ipse dixit: *a si quis vult venire post me, abneget semetipsum, & tollat crucem suam, & sequatur me.* ita significans, abnegationem aditum esse, ac transitum ad imitationem, pretiumque, quod perfecta sanctitas comparatur. Quamobrem sanctus quidam Abbas, quem refert S. Dorotheus, dicere consueuerat: *da sanguinem. & accipe spiritum.* eod quod expensis mortificationum virtutes comparantur. Quod si verum est, & ipsa experientia docet, quamcunque humanam scientiam, sanguine, hoc est labore & importunitate comparari; quid mirum, quod scientia spiritus sanguine abnegationum sit comparanda? resistendo scilicet peccato, prauisque carnis proensionibus, etiam vsque ad sanguinis, si opus erit, effusionem, vt omnia vincantur? Quod si attentius consideres, quæ tibi in his mensis & in omnibus earum mysterijs proponuntur, non tibi erit graue, statuerē cultrum hunc in gatture tuo. statim enim proponi tibi videbis continuam mortificationis exercitationem, quam ipse net Princeps, quite inuitat, adhibuit.

Mat. 6. 24.

erm. 20.

DUX SPIRITUS  
P. DE PONTE

buit. is enim transfixum semper in anima tua  
habuit hunc cultrum, donec in cruce totum  
sanguinem, remedij tui causa effudit, iuxta æ-  
terni patris sententiam dicentis: *biframea su-* **b Zach. 13. 7.**  
*scitare super pastorem meum: & super virum*  
*coherentem mihi.* O animarum pastor, vir  
Deo in unitate personæ unitus, adde mihi ex-  
emplo tuo spiritum; ad statuendum in anima  
mea cultrum mortificationis, qui tuam trans-  
fixit: ut mundo mortuus, vitam, sicut oportet,  
in tuo conspectu.

NON est tamen sola mortificatio, quæ com-  
itari debet meditationem, cum dicitur no-  
bis, ut accumbentes mensæ, *statuamus cultrum*  
*in gutture nostro.* monemur enim etiam in ea-  
dem ipsa oratione & meditatione, cum res  
coelestes sentiuntur & delibantur: cum dul-  
cia colloquia cum Domino miscentur, cultrū  
statuere mortificationis & discretionis, ne  
spiritus noxia aliqua nimietate aberret, vel  
proprie amor spiritualibus ipsis deliciis fo-  
ueatur, dum plures illæ sunt, quam ipsi cibi,  
qui sunt ipsæ virtutes; & dum ipsæ virtutes  
queruntur propter delectationes earum; aut  
dum loquimur nimium & parum cautè & irre-  
verenter coram Principe, qui nos inuitat, in  
cuius conspectu decet nos, tanquam cultrum  
ad guttur habentes, tremere: ne fortè nobis  
eveniat, quod illi alteri coniuæ, qui re-  
pentè & ignominiosè fuit ex conuiuio nuptia-  
li erectus, eo quod *c nuptialem vestem non ha-* **c Mat. 22. 11**  
*beret.*

NOTA.

| Luc. 3. 9.

Cogita ergo quoties ad orationem vel communionem accedis, tam *d/eurim ad radicem arboris esse positam*: gladiumque diuinæ iustitiæ esse nudatum, teque habere cultrum iam ad guttur & ipsam mortem ante oculos tuos; ac forte eam ipsam diem fore ultimam: hoc enim totum iouerit te, ad feruenter illud opus præstandum, coniungendo amori timorē ut alter suppleat, quod alter non poterit. est enim hoc totum necessariū ad tantū animū induendum, ut cultrum hunc contra teipsum arripias neque enim sine causa Spiritus S. adiecit: *si amen habes in potestate animam tuam*, ut scilicet attendas diligenter, num tantas vires habeas super animam tuam, ut statuere possis de ea, quod velis; & efficere, ut in omnibus tibi pareat; quæ illi mandaueris: licet expendenda sit vita, ne amittatur gratia.

§. 3.

*De Imitatione*

**P**OST Mortificationem sequitur actus tertius, scilicet *IMITATIO*, qua virtutum cibus, quem intellectus est meditatus, & voluntas (ut dictum est) acceptauit. incorporatur animæ exercitanti feruentissime internos suos actus; & efficaciter statuenti, etiam externos exercere, conformiter ad exemplar, quod sibi propositum habet. Quemadmodum enim sumptus coctusque iam cibus, & in sanguinem conuersus, spargitur per omnes corporis venas, magnaque similitudine in  
cuius.

DUX SPIRITUS  
P. DE PONTE

cuiusque partis substantiam conuertitur, & u-  
 nitur animæ partes omnes uiuificanti: ita ue-  
 ritates attentè consideratæ, & mortificatio-  
 nis proposita, quæ inde nascuntur, spargun-  
 tur per totum corpus virtutum, ita ut imitatio  
 humilitate exerceat actus humiliationis; pa-  
 tientia actus tolerantia; obedientia, actus  
 subiectionis: ut anima coniungatur spiritui di-  
 uino, omnes illas actiones uiuificanti, ut ipsi  
 placeant. Quamobrem dixit S. Bernard quod  
 in oratione bibatur vinum spiritus inebrians,  
 & obliuionem afferens voluptatum omnium  
 carnis; idem que emolliat interius conscien-  
 tiam, adiuuet concoctionem, digestionem que  
 cibi bonorum operum; digerat que per omnes  
 animæ facultates, fidem confirmans, spem cor-  
 roborans, a ordinans charitatem: & bonos  
 mores perficiens; & propterea fortè loquens  
 Sponsus de vino, quod eius dilecti essent gu-  
 laturi, ait iuxta aliam versionem: *vadens di-*  
*recto meo in rectitudines, seu vadens ad dilectum*  
*meum directè:* quod scilicet recta ingrediatur  
 in dilectum suum, efficiens intra ipsum dire-  
 ctiones, aut rectitudines, dirigit enim regit-  
 que omnes potentias, & animæ virtutes, ut  
 recta proprium suum finem obtineant In quo  
 statim apparet discrimen corporalis vini ab  
 spirituali, illud enim curuat, quod est rectum;  
 hoc, quod est curuum, rectificat; illud sensus  
 obtundit, hoc clarificat; illud linguam soluit,  
 ut sine attentione & iudicio loquatur; hoc  
 eam dirigit, ut loquatur sicut oportet. deniq;

Serm. 18. in  
Cant.

a Cant. 2. s  
v de iitel  
m. num.



pretiosum hoc vinum dirigit proprium iudicium, ut se alieno subijciat; & voluntatem propriam, ut se addicat divinæ (& ipsos appetitus, ut rationi pareant: & omnes gressus motusque hominis externi, ut conformiter incedant ad hominem interiorem, & uterque conformet se nouo homini, Christo I E S U, qui prima est regula, & amissis totius rectitudinis, quem propterea par est omnes imitari.

A D idem pertinet, quod adiecit Spiritus sanctus, monens eum, qui accumbit mensæ potentis, manumque extendit ad cibos: *sciens (inquit) quod te talia oportet preparare:* quasi diceret, attende, quod lege gratitudinis teneris inuitantem te reuirtas ei que similes escas proponere ijs, quas ipse tibi proposuit, iuxta facultates tuas. & cum Christus Dominus noster te inuitet, offeratque ferculum cum exemplo suæ humilitatis, obedientiæ & charitatis, reliquarumque virtutum, debeas tu & illum inuitare tuis virtutibus, propositis, earumque actionibus & exercitijs. Hic enim est cibus, quo supremus hic princeps oblectatur. Et cum ad orandum & communicandum accedis, optat ipse hoc sibi conuiuium exhiberi, ut comedat tecum de illis, quæ tu ei obtuleris. Propterea siquidem

b Apoc. 3. 20.

dixit in Apocalypsi: *b si aperueris mihi ianuam intrabo ad te, cenabo tecum, & tu uicium tu sumas gratias & dona, quæ tibi concedet affectusque, & vires quas magnalijs eius me-*

ditan-

DUX SPIRITUS  
P. DE PONTE

ditandis accipies. Ille verò acceptabit effi-  
 cacia tua proposita illi feruendi; feruentef-  
 que actus, quos in eius presentia exerces, &  
 quemadmodum tu pascaris verbis, quæ ab i-  
 plo audis: ita vicissim ipse recreatur verbis,  
 quæ tu profers, cum oras, cum ipsum laudas,  
 gratiasque pro eius donis agis. Sic finitur  
 perfecta spiritus manducatio, cuius perfectus  
 cibus non est meditatio absque mortificatio-  
 ne, & imitatione. Soli enim discursus instar  
 sunt manducationis, quæ euenit in somnijs,  
 de qua dixit Isaias: *sic somniat esuriens, &* c. Isa. 29. 8.  
*comedit: cum autem fuerit expergefactus,*  
*vacua est anima eius. & sicut somniat sitiens,*  
*& bibit: & postquam fuerit expergefactus,*  
*lassus adhuc fit, & anima eius vacua est,*  
 sicut antequam somniaret: ita eadem anima  
 debilis manet, ac inanis post ipsos discursus,  
 sicut erat ante eos. Quia non accepit verum  
 cibum cordis, de quo dixit Christus Dominus  
 noster *d cibus meus est, vt faciam voluntatem* d Ioan. 4. 34  
*eius, qui misit me, vt perficiam opus eius.* quasi  
 diceret, cibus meus non solum est, vt cognos-  
 scam voluntatem patris mei; sed vt illam fa-  
 ciam: nec solum nutrior ex hoc quod meam  
 abnegem voluntatem, hoc solo nomine, quod  
 illam abnegem: sed vt faciam voluntatem eius  
 qui me misit; studendo in hoc progredi, donec  
 voluntas mea in hac actione conformis om-  
 ninò sit eius voluntati.

o Saluator dulcissime, concede mihi sem-  
 per hunc cibum, vt spiritus meus illo semper

iuuetur atq; foueatur, manducet meus intellectus panem meditationis, vt voluntas mea panem comedat mortificationis; totaque anima mea pane imitationis vescatur, vt & tu eum cibum comedas, quo delectaris, procurate me tibi placere in omnibus, quæ mihi facienda præscribis.

§. 4.

*De preparatione ad sacram Communionem.*

**E**X prædictis deducere licebit: perfectam ad Sacramentalem Communionem preparationem consistere in his tribus spiritualis manducationis actibus hæctenus positis.

I.

**PRIMUM** in meditandis sanctissimi huius Sacramenti magnalijs, quemadmodum in præcedentibus capitibus est dictum: quod excites in anima tua magnam æstimationem & famem illud recipiendi, ei similem, quam ipsemet Dominus habuit in ipsa nocte, qua illud instituit, dicens Apostolis suis: *a desiderio desideravi hoc pascha manducare vobiscum, antequam patiar.* O Saluator mi, tu ipse aperi, quam fuerit magnum, quamque antiquum desiderium; & cur ad finem vsque vitæ illud implere distuleris? desiderium (inquit) meum æquè antiquum est, atq; ego. Nā ab ipso meæ incarnationis instanti, vidēs me posse in forma cibi cū electis meis coniungi, id max eodem feruore desideravi, quo me ad mortem

pro

DUX SPIRITUS  
P. DE PONTE

pro eis subeundam obtuli. Et quamuis desiderium illud semper fuerit continuatum; distuli tamen illud explere ad finem vsq; vitæ meæ; vt hinc tu discas, benè collocatos cenferi debere triginta tres annos feruentis desiderij, & præparationis, vt vel semel frui liceat hoc ipsocōuiuio, quod si sæpius fiat, ita semper fieri debet atque si tunc vltimo esset sumendum pro viatico ad æternam vitam. quod vt impetres, meditari oportet heroicæ mortificationes ac virtutes, quæ in eodem Sacramento resplendent: exacuendo famem ac desiderium, vt ipse Dominus te disponat ornetque similibus alijs: De ipso enim dicitur *b inclinauit cælos & descendit, & caligo siue nubes sub pedibus eius.* b Psal. 17. 10. Quid est inclinare suos cælos, nisi communicare hominibus gratias virtutesque cœlestes? quæ veluti humiliatæ sunt & abiectæ, quando in vilibus nostris cordibus habitant. At eius humiliatio, nostra est exaltatio: quia nos transferunt è terra in cœlum, cum ijs ornamentis, quæ habent Spiritus beati. Tunc enim descendit Christus Dominus, noster vt recipiatur in nostris animabus, quæ instar sunt cœlorum, quamuis obrectus veniat nube huius Sacramenti. Eius enim aduentus, quasi obiter fit, ad visitandos eos, qui peregrinantur cum obscuritate fidei, donec perueniant ad claram gloriæ eius visionem.

3.

SE D quoniam apta præparatio non in solis meditationibus, ac desiderijs consistit, coniungendus est secundus actus, mortificando

scilicet quicquid vitiosum atq; imperfectum est, quod te possit tali conuiuio indigna reddere: præcipuè verò arripiedus est culter mortificationis, & transfigendus per guttur, quod organum est & instrumentum ad manducandum, & loquendū: ita ut illa die refrenes compescasque inordinatas appetitiones ciborum, & colloquiorum terrenorum. Cum enim Christus D.N. per tuam linguam & guttur sit transiturus, non decet aliquid exisse aut intrasse per illud, quod maculet animam tuā. Et propterea fortè Spiritus S. adiecit, *ne desideres de cibis eius, in quo est panis mendacij.* non enim benè se cōpatiuntur duo desideria, duæq; fames adedò contrariæ, qualis est fames ciborum principis cœlestis, cuius panis est veritas & Sanctitas; & fames ciborum principis huius mundi, cuius panis est mendacium & malitia. & si hanc famem mortificaueris, statim altera reuiuiscet, & augebitur, efficietque ut prosit tibi manducatio comedenti diuinum hunc agnum, ut ait Apostolus, *cum a-*  
*zimis sinceritatis & veritatis:* cum anima scilicet pura absque d *fermento* corruptionis, plena sinceritate in affectibus, & in sensib. veritate. Et quoniam sinceritas hæc & veritas præcipuè consistit in altitudine & puritate actionis, qua ad communicandum accedis, expedit perfectissimam illam procurare. Aduertes igitur, (ut ait Sanctus Bonauentura) octo fines siue motiua posse nos ad communionem per-mouere. *Quosdam enim impellit experientia*  
 infirmi-

e 1. Cor. 5. 8.

d Exod. 12. 15

Proces. 7. Re  
lig c. 22.

DUX SPIRITUS  
P. DE PONTE

infirmorum suorum spiritualium, ut aduocet  
 ad suam domum caelestem medicum qui ab  
 eis illos eripiat. *Alios* ipsa priorum pecca- 2.  
 torum conscientia urget, ut aeterno Patri sa-  
 crificium offerant, quo placatur; & satisfacti-  
 onem, quae pro eis illi debetur. *Alios* ipsa an- 3.  
 gustia magna alicuius tribulationis, aut ten-  
 tationis, ad communicandum inducant, ut hic  
 Dominus, qui omnia potest, ipsos iuuet, suaq;  
 praesentia protegat. *Alij* accedunt ad commu- 4.  
 nionem cum feruenti desiderio, gratiam ali-  
 quam aut beneficiu, ab aeterno Patre impetra-  
 di adhibentes aduocatum aut intercessorem e- 5.  
 um, cui pater nihil possit denegare. *Alij* ac-  
 cedunt cum Spiritu gratitudinis, ob accepta be- 6.  
 neficia, offerentes Deo calicem hunc Salutaris  
 quo suam gratitudinem protestentur. *Alij* cum  
 Spiritu laudis, ad honorandum Deum, eiusque  
 Sanctos, dignissimam hanc hostiam offerentes, ad 7.  
 illorum gloriam. *Alios* excitat charitas in proximos,  
 siue viuos siue vita functos, quos cupiunt iuuare  
 sanguine Christi Iesu, qui est efficacissimus ad vi-  
 uos a suis peccatis: defunctos vero a penis, quas 8.  
 pro suis sustinent, eruendos. *Alios* deniq; trahit  
 amor Dei optates a suo dilecto saepius visitari,  
 quo illum secum habere, & ex intimo cordis am-  
 plecti, eidemq; cordali vnitione charitatis vn-  
 niri possint: eo quod in eo solo inueniant quic-  
 quid eorum Spiritus desiderare potest, iuxta  
 illud S. Ambrosij: *Christus nobis omnia est.* si lib. 3. de vir-  
 cupis tua vulnera curari, ipse est medicus; si gia. post  
 concupiscentiarum febribus aestuas, ille est med.  
 fons;

fons; si es peccatis onustus, ille est iustitia; si auxilio indiges, ipse est fortitudo; si mortem times, ipse est vita; si cupis cœlum, ipse est via; si tenebras fugis, ipse est lux si desideras nutrimentum, ipse cibus est; *e gustate & videte, quoniam suavis est Dominus: beatus vir, qui sperat in eo*, spiritumque suum cum adœd dulci Redemptore coniunxit. O Redemptor mi, & omnia mea: Si te habeo, quid amplius volo? si tibi sum vnitus, quid amplius desidero? Nunc licebit mihi dicere cum Sponsa *f botrus cypri dilectus meus mihi in vineis Engaddi* Quid habet Insula Cypri remota cum Engaddi quæ est in tribu iuda, prope mare mortuum? quod si interiora huius Sacramenti inspicio, dilectus meus est botrus omnino cœlestis, densus valde, plenusque vis dulcissimis virtutum dotiumque præstantissimarum: quod si exteriora aspicio, est fructus, qui in terra nostra inuenitur ad nutritionem, salutem, lætitiã, & vitam eorum, qui eius nomen confitentur, peccato verò sunt mortui. Engaddi significat fontem hædi. & oculum tentationis: dilectus autem meus fons est, quo mea lauantur peccata, in quo omnes cupiditates meæ suffocantur; in quo omnia mea bona desideria explentur: est oculus ille, qui me dirigit, iuuatque in tentationibus, & ab omnibus periculis eruit. Quis mihi det, vt omnes culpæ meæ in præclarissimo hoc fonte lauetur? quò dignè liceat diuini huius botri vvas comedere, cœlestique vinum haurire, ac dulcedinem delibare: quam sibi seruientibus in terra

Psal. 33. 9

f Cant. 1. 14.  
 & Hier de locis  
 Hebraicis  
 611:

DUX SPIRITUS  
 P. DE PONTE

terra communicat, vt cum feruore progrediantur, ad fruendum ea, quam abundanter comunicat ijs, qui habitant in cælo, ipsi correngantes in Aeternum Amen.

CAPVT. XVIII.

DE CHRISTI DOMINI NOSTRI cognitione iuxta gloriosum statum, quem habet in cælo Empyreo, & officiis praeclaris, quæ illic erga nos exercet.



**A**D INTEGRAM & perfectam Christi Domini nostri cognitionem illud solum nunc est reliquum vt eum consideremus in statu illo glorioso, quem post suam resurrectionem est consecutus, & nunc in Empyreo cælo possidet, sedens ad dexteram patris, possidens optimam eius gloriæ bonam; ex qua cognitione consequemur plerumque quod dixit Apostolus. quod a reuelata facie gloriæ Domini in speculantes, in eandem imaginem transformamur. quæ autem est gloria Seruatoris, nisi quam ipsemet explicuit: b hæc oportuit pati Christum, & intrare in gloriam suam? Non est ingressus hic Dominus in gloriam animæ, per passionem: quia ab instanti suæ conceptionis eam habuit, sed ingressus est in gloriâ corporis

a 2. Cor. 3. 18.

b Luc. 24. 26